

玉

海

七十九

上海卷第一百五十九

浚儀王應麟伯厚甫

宮室

殿

上

神書事元帝外未史宮賦高門左臺類

說文堂之高大者周益公曰宮室取諸大壯貴

賤可以通稱特崇庠廣狹有別耳秦孝公強盛時

大築冀闕由是天子殿初見商子定分篇臣侍

殿上兵陳殿下後載史記荆軻傳

又莊子說劍云入殿門不趨

大抵秦制也至始皇併天下殿屋相屬又作甘泉

前殿然後殿之名始立漢黃霸丞相府計吏上

殿東漢司徒府有大會殿蓋車駕或臨幸會議於

此而有殿名非專指屋之高嚴也

燕禮當東雷注人君為殿屋也

疏曰漢時殿屋四向流水故舉漢以況周文選注魏武集荀欣等曰漢制王所居曰禁中諸公所

居曰省中

漢武臺殿

李陵傳天漢三年召見武臺注師古曰未央宮有武

臺殿 三輔舊事武帝於未央宮起高門武臺殿

龔奉傳孝文時未央宮無武臺殿

漢魯靈光殿

東海恭王彊傳初魯恭王好宮室起靈光殿甚壯麗

是時猶存故詔疆都魯注恭王名餘景帝之子殿在
今兗州曲阜城中故其東西二十丈南北十二丈高
丈餘 王延壽遊魯國作靈光殿賦恭王始都下國
好治宮室遂因魯僖基兆而營焉遭漢中微自西京
之殿皆見隳壞而靈光巋然獨存豈非神明依憑支
持以保漢室然其規矩制度上應星宿亦所以永安
也奚斯頌僖歌其路寢 云云 立靈光之祕殿配紫微
而爲輔承明堂於少陽昭列顯於奎之分野規矩應
天上憲觚呬雲袞藻稅龍栴雕鏤據坤靈之寶勢承
蒼昊之純殷窮奇極妙棟宇已來未之有兮神之營

王 海 卷一百五十九
之瑞我漢室永不朽兮 唐元稹曰魯共王餘畫先
賢於屋壁以自警

漢前殿

見未央宮甘泉宮洛陽南宮北宮宣室 周曰路寢
漢曰前殿 樂志凡鼓 朝賀置酒陳前殿房中
朱博傳拜於前殿延登受策 揚雄傳甘泉賦前殿
崔魏兮和氏瓏玲炕浮柱之飛櫳兮神莫莫而扶傾
後律志天子以冬夏至御前殿

史記秦始皇營作朝宮渭南苑中先作前殿

漢承明殿 承明廬 著作庭 魏承明

門

翼奉傳孝文時未央宮獨有承明 霍光傳皇太后

迺車駕幸未央承明殿 嚴助傳爲會稽太守數年

不聞問賜書曰君厭承明之廬勞侍從之事故出君

爲郡吏注張晏曰承明廬在石渠閣外直宿所止曰

廬 揚雄傳孝成時有薦雄文似相如者召雄待詔

承明庭注師古曰承明殿在未央宮 成紀鴻嘉二

年三月雉集承明殿注在未央宮中 黃圖未央宮

有承明殿著述之所也 西都賦又有承明金馬著

作之庭大雅宏達於茲爲羣啟發篇章校理祕文

文選魏曹子建詩謁帝承明廬注陸機洛陽記承明門後宮出入之門張公云魏明帝作建始殿朝會皆出承明門 魏應璩詩三入承明廬注直廬在承明門側璩爲侍郎常侍侍中

漢高門殿

列傳汲黯請閒見高門注晉灼曰三輔黃圖未央宮中有高門殿 鮑宣爲諫大夫上書陛下擢臣巖穴豈徒欲使臣美食大官重高門之地哉宣又言高門云省戶數十步求見出入二年未省注晉灼曰高門殿名也師古曰在未央宮中 翼奉上疏曰孝文時

未央宮無高門殿 三輔舊事武帝於未央宮起高

門武臺殿

漢猗蘭殿

文選注漢武故事武帝以乙酉年七月七日旦生於

猗蘭殿

又見洞冥記

景帝坐崇芳閣見赤氣如林來

蔽戶牖乃改閣爲猗蘭殿

漢奇華殿

承華殿

承光殿

見建章

宮

黃圖奇華殿在建章宮旁四海夷狄器服珍寶火浣
布切玉刀巨象大雀師子宮馬充牣其中 漢武故

事七月七日上於承華殿齋正中忽有一鳥從西方
來集殿前東方朔曰此西王母欲來也有頃王母至
二青鳥夾侍 文選注潘岳關中記曰未央殿東有
鴛鴦殿

漢玉堂殿

揚雄傳解嘲厯金門上玉堂注晉灼曰黃圖有大玉

堂小玉堂殿

漢官閣名曰長安有玉堂殿銅柱殿

李尋傳久汙玉堂

師古曰玉堂殿在未央宮

選注引黃圖同

翼奉傳上疏

曰孝文時未有玉堂殿

至武帝有之

谷永傳抑損

椒房玉堂之盛寵注玉堂嬖幸之舍

黃圖玉堂殿

在未央宮殿西漢書建章宮南有玉堂璧門玉層臺
高三十丈玉堂殿內十二門階陛皆玉爲之鑄銅鳳
高五尺飾黃金栖屋上下有轉樞向風若翔椽首薄
以璧玉飾之因名曰璧門又建章有玉堂與未央前
殿等去地十二丈所基皆用玉

西都賦金華玉堂

西京賦神仙長年宣室玉堂麒麟朱鳥龍興含章

注皆
殿名

譬眾星之環極

云云

靈帝紀中平三年復修

三堂殿鑄銅人四黃鍾四及天祿蝦蟆洛陽宮殿

名有玉堂前後殿

漢函德殿

宣紀神爵元年三月詔曰迺元康四年嘉穀立稷降于郡國神爵仍集金芝九莖產于函德殿銅池中黃圖建章宮有函德等二十六殿

漢鳳皇殿

又見未央宮

溫室殿

見室類

郊祀志宣帝幸河東之明年

神爵二年

正月鳳皇集殺羽

於所集處起步壽宮閒歲鳳皇神爵甘露降集京師

其冬

四年十月

鳳皇又集上林迺作鳳皇殿以答嘉瑞

明年正月改元五鳳宣帝時鳳皇下郡國凡五十六

所

翼奉傳孝文時未央宮無高門武臺麒麟鳳皇

白虎玉堂金華之殿

黃圖未央宮有鳳皇飛羽通

光等殿

關中記未央殿東有鳳皇殿鴛鸞殿

西

京賦鳳皇鴛鸞注皆後宮別名

漢白虎殿

杜欽傳

兼成紀
谷永傳

建始三年冬十二月舉直言極諫之

士四年夏四月復召直言之士杜欽谷永詣白虎殿

對策注師古曰此殿在未央宮中

王商傳河平四

年

紀春
正月

單于來朝引見白虎殿丞相王商坐未央庭

中單于拜謁商起離席與言單于仰視商貌大畏之

遷延卻退天子聞而歎之曰此真漢相矣

翼奉傳

文帝時未央宮又無高門武臺麒麟鳳皇玉堂白虎

金華之殿獨有前殿曲臺漸臺宣室溫室承明耳

升威傳成帝時楚梁王來朝明日當辭去上宿供張

曰虎殿 王莽傳大置酒未央宮白虎殿勞賜將帥

曰前殿南下椒除西出白虎門 桓子新論與揚子

雲奏事坐白虎殿廡下選注引之 黃圖未央宮有白虎

殿廟記云未央宮有白虎閣 西都賦白虎麒麟

後廣平王美傳建初四年美與諸儒講論於白虎殿

此後漢殿在東都兩都襲其名蓋漢家右文之地又後漢甘泉有白虎觀

漢昭陽殿 曲臺殿見臺類 飛羽殿

西都賦昭陽獨盛隆於孝成屋不呈材牆不露形注

昭陽殿名 趙后傳皇后既立寵少衰而弟絕幸爲

昭儀居昭陽台其中庭彤朱而殿上髹漆砌皆銅沓

冒黃金塗白玉階壁帶往往爲黃金釭函藍田璧明

珠翠羽飾之自後宮未嘗有焉 又見後宮 元后傳

饗飲飛羽 或作雨 注飛羽殿在未央宮中

漢金華殿

敘傳成帝時大將軍王鳳薦班伯宜勸學召見宴昵

殿 親戚宴飲會同之殿 拜爲中常侍時上方鄉學鄭寬中張禹

朝夕入說尙書論語於金華殿中詔伯受焉數年金

華之業絕 翼奉傳孝文帝時未央宮無金華殿

三海卷一百五十九
更圖未央宮有金華殿 西都賦金華玉堂注黃圖
曰未央宮有金華殿大玉堂殿

漢紫殿

成紀永始四年春正月行幸甘泉郊泰畤神光降集
紫殿 西京雜記成帝設雲帳雲幄雲幕於甘泉紫
殿世謂三雲殿 張臨登閣殿

漢麒麟殿

董賢傳上置酒麒麟殿賢父子親屬宴飲 翼奉傳
孝文時未央宮無麒麟殿 西都賦白虎麒麟注黃
圖在未央宮 西京賦麒麟朱鳥龍興含章注皆殿名譬

星之環極

漢明光殿

詳見宮類

漢官儀尚書奏事於明光殿省中以丹朱漆地故曰
丹墀尚書伏其下奏事黃門侍郎揖疏受事 三秦
記桂宮中有明光殿皆金玉珠璣爲簾箔金祀玉階
晝夜光明 唐樊鑄有明光殿粉壁賦

漢清涼殿

延清堂

黃圖清涼殿夏居之則清涼也亦曰延清堂漢書曰

清室中夏含霜卽此

見七啟云
漢書誤

西都賦清涼宣溫

注黃圖曰未央宮有清涼殿

許昌宮賦

魏卞
蘭

有望

舒涼室義和溫房 彼避暑九成而忘其親生涼殿
閣而忘其民心移於物賢君所當戒也

漢臨華殿

成紀永始四年四月癸未長樂臨華殿未央宮東司
馬門災

漢百官朝會殿 司徒府大會殿

詳見

朝儀類

周禮槁人掌共外內朝穴食者之食注外朝司寇斷
獄弊訟之朝也今司徒府中有百官朝會之殿云天
子與丞相舊決大事焉是外朝之存者與 朝士掌